



Broj: 06-11-1147/26-9  
Ilidža, 27.03.2026. godine

Na osnovu člana 70. Zakona o javnim nabavkama („Službeni glasnik BiH“, broj 39/14, 59/22 i 50/24) i preporuke Komisije za javne nabavke iz Zapisnika o pregledu i ocjeni ponuda br: 06-11-1147/26-7 K od 27.03.2026. godine, općinski načelnik donosi:

## O D L U K U O IZBORU NAJPOVOLJNIJEG PONUĐAČA ZA JAVNU NABAVKU BROJ 04/26

### I

Prihvata se preporuka Komisije za javne nabavke za **JN 04/26 „Laboratorijsko ispitivanje saobraćajnica (vanjska kontrola) na području Općine Ilidža”** kojom se ponuda ponuđača **CELAB d.o.o., ul. Branilaca bb, Kakanj** u iznosu **9.450,00 KM bez PDV-a** proglašava najpovoljnijom.

### II

Ponuđač **CELAB d.o.o., ul. Branilaca bb, Kakanj** oslobađa se obaveze dostavljanja uvjerenja iz člana 45. stav (2) tačka a), b), c) i d) Zakona o javnim nabavkama jer je iste dostavio u sklopu svoje ponude.

### III

Po pravosnažnosti ove odluke, ugovorni organ će pozvati izabranog ponuđača radi zaključenja okvirnog sporazuma kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u Tenderskoj dokumentaciji.

### IV

Istovremeno sa dostavljanjem ove Odluke ponuđačima ista će se objaviti na web stranici Ugovornog organa.

## O b r a z l o ž e n j e

Postupak javne nabavke broj **04/26 „Laboratorijsko ispitivanje saobraćajnica (vanjska kontrola) na području Općine Ilidža”** putem otvorenog postupka, pokrenut je Odlukom o pokretanju postupka nabavke broj: 06-11-1147/26-1 od 04.02.2026. godine. Javna nabavka objavljena je na portalu javnih nabavki brojem obavještenja 888-1-2-23-3-68/26 od 13.02.2026. godine i ispravka obavještenja o nabavci 888-1-2-23-8-76/26 od 25.02.2026. godine. Ponude su blagovremeno dostavili ponuđači: **RADIS d.o.o., ul. Jovana Dučića br. 16, Istočno Sarajevo**, **CELAB d.o.o., ul. Branilaca bb, Kakanj**, **MODUS PROJEKT d.o.o., ul. Alije Izetbegovića bb, Kakanj**, **Institut za građevinarstvo IG d.o.o., ul. Kralja Petra I Karađorđevića 92-96, Banja Luka**, **Građevinski institut d.o.o., Banja Luka, ul. Ada 24, Banja Luka**, **SAC TESTING & CONSULTING d.o.o., ul. Rajlovac bb, Sarajevo** i **DTQ d.o.o., ul. Stjepana Tomića br. 3, Sarajevo**. Pregledom i ocjenom zaprimljenih ponuda Komisija za javne nabavke je konstatovala sljedeće: Ponuda ponuđača **SAC TESTING & CONSULTING d.o.o., ul. Rajlovac bb, Sarajevo** obacuje se kao neprihvatljiva iz sljedećeg razloga:

Ugovorni organ je tačkom 2.4.2 a) tenderske dokumentacije propisao da ocjena tehničke i profesionalne sposobnosti ponuđača će se vršiti na osnovu spiska izvršenih ugovora u posljednje tri godine ili od datuma registracije, odnosno početka poslovanja, ako je ponuđač registriran, odnosno počeo sa radom prije manje od tri godine, sa potvrđama izdatim od druge ugovorne strane o uredno izvršenim ugovorima. Ponuđač je na strani 11. svoje ponude dostavio potvrdu o uredno izvršenim ugovorima izdatu od Ministarstva saobraćaja- Direkcija za puteve Kantona Sarajevo. Navedeni ponuđač u svojoj ponudi nije dostavio spisak izvršenih ugovora u posljednje tri godine ili od datuma registracije, odnosno početka poslovanja, ako je ponuđač registriran,

odnosno počeo sa radom prije manje od tri godine, kako je traženo tačkom 2.4.2 a) tenderske dokumentacije.

Komisija za javne nabavke je konstatovala da sve ostale pristigle ponude ispunjavaju sve uslove iz tenderske dokumentacije, odnosno da su dostavili tražene dokaze, te su iste ocjenjene kao prihvatljive ponude.

S obzirom da je za predmetnu nabavku bilo previđeno provođenje e-aukcije, ista je zakazana za 12.03.2026. godine u 14,45 h.

Nakon provedene e-aukcije i kriterija "najniža cijena," Komisija za javne nabavke utvrdila je konačnu rang listu ponuđača:

1. CELAB d.o.o., čija cijena ponude bez PDV –a iznosi 9.450,00 KM
2. DTQ d.o.o., čija cijena ponude bez PDV –a iznosi 10.499,99 KM
3. RADIS d.o.o., čija cijena ponude bez PDV –a iznosi 11.900,00 KM
4. MODUS PROJECT d.o.o., čija cijena ponude bez PDV –a iznosi 12.000,00 KM
5. Institut za građevinarstvo IG d.o.o., čija cijena ponude bez PDV –a iznosi 52.900,00 KM
6. Građevinski institut d.o.o., Banja Luka čija cijena ponude bez PDV –a iznosi 59.700,00 KM

Komisija za javne nabavke je utvrdila da je cijena ponude ponuđača CELAB d.o.o. za više od 50% niža od prosječne cijene preostalih prihvatljivih ponuda te je od navedenog ponuđača u skladu sa članom 66. Zakona o javnim nabavkama („Službeni glasnik BiH“, broj: 39/14, 59/22 i 50/24) i Uputstvom za pripremu modela tenderske dokumentacije i ponuda („Službeni glasnik BiH“, broj: 90/14, 20/15 i 3/23) traženo obrazloženje ponude koje mora sadržavati sve elemente navedene u članu 66. Zakona o javnim nabavkama. Ponuđač CELAB d.o.o. je dana 25.03.2026. godine putem e-maila dostavio obrazloženje neprirodno niske cijene, koje je Komisija za javne nabavke prihvatila.

Imajući u vidu navedeno Komisija za javne nabavke predložila je općinskom načelniku donošenje odluke o izboru ponude CELAB d.o.o., ul. Branilaca bb, Kakanj kao najpovoljnije, čija cijena ponude bez PDV-a iznosi 9.450,00 KM.

Na osnovu navedenog odlučeno je kao u dispozitivu.

#### **POUKA O PRAVNOM LIJEKU:**

Protiv ove Odluke ponuđači imaju pravo da izjave žalbu u roku od deset dana od dana prijema odluke. Žalba se ulaže URŽ-u putem ugovornog organa u pisanoj formi direktno ili preporučenom poštanskom pošiljkom. Žalba se podnosi u tri primjeraka.

OPĆINSKI NAČELNIK

Nermin Muzur, magistar uprave

#### **DOSTAVLJENO:**

1. Ponuđači 7x
2. Služba za finansije- Odsjek za budžet
3. Kabinet općinskog načelnika (za objavu na web)
4. Služba za komunalne poslove i infrastrukturu
5. a/a